



Pomagao klanu Hamidovića Bivši konzul na optuženičkoj klupi

Čitanjem optužnice i iznošenjem uvodnih riječi jučer je u Sudu BiH počelo suđenje Velidu Hamdićeviću iz Zavidovića, bivšem zaposleniku Ministarstva vanjskih poslova u BiH na poziciji savjetnika za konzularne poslove u Ambasadi u Parizu, optuženom da je od decembra 2014. do juna 2015. godine počinio koruptivna krivična djela, iskoristivši i zloupotrijebivši svoj službeni položaj, u cilju stjecanja imovinske koristi.

On je članovima organizovane kriminalne grupe Elvisa Salčinovića, a koju su činili između ostalog i njegovi sinovi od kojih se neki prezivaju Hamidovići, nezakonito izdavao putne listove za žrtve trgovine ljudima, što im je naplaćivao između 500 i 1.200 eura. Salčinović i drugi su

potom organizovali lanac džeparoša, uglavnom maloljetnika iz BiH, koje su prisiljavali na krađe po Parizu kojim su "zaradili" više od dva miliona eura.

Na jučerašnjem ročištu nakon čitanja optuženice tužilac je najavio da će sudu predložiti dokaze kojima će se potvrditi krivnja optuženog. Braniteljice optuženog, Senka Nožica i Mirela Kanlić, s druge strane, zadržale su svoje zakonsko pravo da svoje uvodne riječi iznesu nakon što tužilac dovrši svoj dokazni postupak.

Hamdićević je inače uhapšen u okviru policijske akcije „CD“ koju je u julu 2015. godine provela **SIPA zajedno** sa istražnim organima Francuske, a sa ciljem razbijanja međunarodne kriminalne grupe osumnjičene za trgovinu ljudima. **E. F.**